

南漳縣志

2150
575
113
30
178

同治乙丑年重脩

南漳縣志

板藏縣署東鶴山堂

序

竊聞志別流於史九丘先於六籍地
象昉於河圖至禹貢職方則大備矣
周禮小史掌邦國之志今

國史一統志是也外史掌四方之志今
直省通志及府州縣志是也又司徒

掌邦土地之圖周知九州之域廣輪
之數司險掌建九州之圖周知山林
川澤之阻顧管子著水樞謂其解皆
在於水班固志地理謂其俗皆係夫
土遠遊子曰千里不同風百里不共
雷然則輶軒之所以採其風誦訓之



所以舉其職惟志是賴則志綦重矣
乃江淹有言修史之難無出於志以
憲章之所係非老於典故者不能蓋
志之大原起於爾雅非可易言矣况
州縣之志其地理人物史家固不能
盡詳又不可以信心鑿空以為一家

之言固難之難者也若漳之志尤有
難焉者員幅八百里版籍十三都稽
核既有難周而舊志燬於兵燹遺文
又無可考凡事可與樂成難於圖始
是以遲之又久尚未勒有成書第荆
山爲九州之險沮漳與江漢夙稱楚

之望卞和之所抱玉鬼谷之所修煉
水鏡之所棲隱單父之所僑寓仲宣
之所作賦景純之所製錦昭明之所
分經幸際

雍熙之世山川日啟烟戶日繁水利興而
膏腴以闢書院建而人文以興漳士

於襄較雋土物於襄較阜科第時有
芳徽不乏顧可以無志乎哉邑之胡
子勁庸少業儒長習吏且從軍既而
屏跡幽居夙好抄書老而彌篤雖偶
見瞥觀皆即疏記習與性成始終不
倦恐吾漳山川之靈秀人物之菁華

久而就湮爰摠懷舊之蓄念發思古
之幽情窮搜遐討凡古跡英躔琳宮
寶地名宦竒節以及前人之遺翰近
人之新藻咸裒聚此卷名之曰搜遺
集其用意亦良厚矣其尊人胡公士
良早舉俊秀年德並尊夙熟於史事

以漳之無志爰命之曰汝年力方富
盍即所集纂成漳志草稿則將來易
爲力矣於是又取湖北通志及襄陽
府志凡有係於漳者咸抄錄之乃倣
他邑志之例敘次成帙而漳志之規
模粗具或曰志非可託之孱毫也必

將博考天官書天文志地里志括地
志廣輿記太平寰宇記九州風土記
水經注及廿一史三通荆楚歲時記
荊州記襄陽記襄陽耆舊傳之屬凡
前人之撰著後儒之辯說無書不考
而且斷碑殘碣奧突荒蕪無乎不搜

又假以如椽之筆兼三長之學叅互
考訂斷以己意迺仿康氏海武功志
之義例務使文簡事覈訓詞爾雅設
討蒐之局歛繕刊之費廣集文士分
類讐校無遺無訛庶足備一百二十
國寶書之數必如是以言志恐頭白

可期汗青無日也夫前此蒞斯土者
既以簿書鞅掌屢議未就而搢紳人
士又或舌耕心織碌碌硯田或方治
舉子業未遑他及惟胡子以局外之
身端居多暇就其耳目之所能及足
跡之所能至筆力之所能紀以成是

書未必無罅漏駁雜之嫌然層臺起
於抔土長江兆於濫觴後之修漳志
者得是本而增補之訂正之別裁之
吾知葑菲在所必採管蒯亦云不棄
而胡子草創之功爲不可沒矣胡子
是書藏之久未嘗輕以示人今其第

正模出貲以付之梓人余既嘉胡子
之好學且喜其弟之能成兄志故樂
得而爲之序

賜同進士出身候選知縣年家鄉眷弟羅

夢元頓首拜書



序

嘉慶癸亥夏四月余宦後漳邑見掾
曾胡正楷惻々然有儒者氣心竊異
之洎見其辦理一切公事持正不苟
不為利欲所汨沒而且規其儕輩以
作奸犯科為戒更從加賞識焉先曾
出其大母節烈傳示余循紳先生題

錄者不下數十人今復取漳邑自古
及今舉凡琳宮梵宇名山隸景諸文
人著作錄成一帙名之搜遺集請余
為之校正余益歎掾曾節孝傳家淵
源有自而其用心為不可及也嗟乎
今之人稍知白讀一作吏胥即習為
舞文弄墨之事內而蒙蔽官長外而

魚肉小民凡可以飽慾壑而遂貪心者不惜身命殉之以視掾曾之所為豈不相懸萬、哉漳邑僻處萬山之中頻年又屢經兵革井里蕭條余下車之如稽考誌乘泯滅無存即慨然念之迄今視事載餘深愧補苴不遑有志未逮比幸四郊鴻雁漸免哀鳴

方擬將一邑之山川社稷自古之興廢沿革以及閭閻風俗男女節孝仕宦隱逸文藝諸大端博採成書以為一邑之掌故今掾曾克成此集先獲我心一旦有事備纂其六可供蒐討之資也已掾曾自教匪泆事曾從大府治戎以軍功邀叙典其年方富他

題胡鶴山南漳縣志集鈔

昔聞胡曾善吟詠誰知博雅工搜求
我來南漳祗卧治刑清政簡時探幽
伏龍梁父韻已杳南陽聳翠存風流
枕琴花下欠伸起叩衙喜見新書投
眼明開卷羅古製足備考據乘志收
入五都市莫名寶集千狐腋方成裘
文獻不足古所歉得此不復嫌荒陬
此邦在昔經小醜跳梁所至傷戈矛
有文事者有武備鄉勇團練歌同仇
邊方平定名奏

聞酬勲七品郎官儔壯哉縣吏邀

帝賚文班

恩沃殊堯蓋太平無事恣蒐討編輯桑梓

翰墨稠楚弓得失似拘囿齊諧恠
難比侔礪石含輝識終驗靈泉救旱
功長留清溪鬼谷寄學道深洞水鏡
居潛修凡茲勝迹詎易數并有傳記
兼歌謳胡君可稱信好古名與漳沮
二水流千秋

賜進士出身 國子監助教博士署南漳

南漳縣志

序

二

縣事仁和石城題



自序

邑之有志經國之有史也誠不可一日
廢漳邑之志自前明周啓明先生鑒
定後值兵燹迄今蕩然無存矣楷幼膺
掾吏長澁戎受職未暇讀書管見何
知然此邦山川人物埽郭風土其散見
於通志府志及他書抄本者未嘗不

研思默識也乾隆五十有七年春文採
訪纂修通志及嘉慶十有六年檄行
採訪續修府志兩蒙邑侯令楷得與
其事而邑志完未成編竊嘗私心痛之
且夫志也者將以核一邑之典物也
發潛德闡幽光者如其間孝子忠臣
義士文人節婦之有裨於政教風俗

者如志之以垂於不朽定例三十年一
纂所以表其後起也我漳俗號淳樸
代不乏人已載在府志通志者其名雖彰
而未及列入此保無遺漏漸滅守即如嘉
慶元年教匪浣叛邑人或勦賊著績或
接仗陣亡以及殉難婦女守死不二鄉勇
士磨冒矢圍功者是皆事閩忠義載在

禮冊例應入志也况後文人學士接踵
媿美山川百穀應時効靈又不一而是耶
且逸少先生云後之視今亦猶今之視
昔若以若之偉才奇節而融其古之
年淫草木同腐楷獨何心誰忍如
哉愧稽學疎望輕恥放自矜創著僅
漫通志府志暨邇來之禮冊應志也為

日捧檄而登仕版所以自効者不於
此覘其概哉余喜其志不与流俗伍
爰識數語於簡端

勅授文林郎知南漳縣事武進陶紹侃書



自序
天下古今之文字取之不
盡而僅沾沾於漳隘已
甚矣吾漳古今文字之散
見於遠邇者亦浩繁而莫
可窮極而僅假一筆之間
且集成於一二筆之間略

南漳縣志

序

尺甚矣雖然在漳言漳可
取則取管窺之見固所不
免得尺則尺得寸則寸掛
漏一爇亦所不辭蓋區區
嗜古之意以之自娛而足
非敢謂紀夢鄉嬛也其間
或先先生之步蹟或古今